



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Additio. Ævo Gulielmi de Montelauduno, Archiepiscopi consecrabantur sola
summi Pontificis auctoritate. Recensentur lucubrationes hujus viri.

urn:nbn:de:hbz:466:1-15617

& Imperij Lib. VI. Cap. IV. 189

apud quasdam Ecclesias hic mos inoleverat ut Episcopus Metropolitanus à propinquiori Metropolitanu acciperet manus impositionem. Sed novam illam consuetudinem abolevit Synodus Aurelianensis secunda; quæ antiquam constitutionis formulam renovavit, statuens ut Metropolitanus ab Episcopis comprovincialibus ordinetur. cuius synodi verba supra relata sunt in §. IIII. hujus capituli. At Concilium Aurelianense IIII. quinquecento post celebratum, id est, anno quingentesimo trigesimo octavo, repudiato canone illo prioris synodi, novam consuetudinem revocavit, qua receptum erat Metropolitanos à Metropolitanis ordinari: *De Metropolitanorum vero ordinationibus id placuit, ut Metropolitanus à Metropolitanis, omnibus, si fieri potest, presentibus comprovincialibus, ordinetur; ita ut ipsi Metropolitanus ordinandi privilegium maneat quem ordinationis consuetudo requirit.* Quæ institutio aliqua in re simili est verioni Græcæ canonis sexti Sardicensis, quo sancitum est ut Episcopi vicinae provinciæ invitentur ad ordinationem Metropolitanus alienæ provinciæ: *Xpn de ē ē μεταχειρίσθαι & τοῦ πολὺ κανονικός ἐπαρχίας ἐποιεῖται τῷ πλέον τοῦ πολὺ μητροπολεως ἐποιώντες.* Attamen fatendum est interpretem Græcum non cepisse sententiam hujus canonis, qui in contextu Latino nullam hujus rei mentionem facit. Hincmarus in synodo Metensi, qua propter Karoli Calvi in regno Lotharij coronationem coacta est, adnotavit

Synodus illa edita
et iuxta Capitula
Ecclesie Calvi, &
70. i. oper. Hinc-
mar.

Remensem & Trevirensim Ecclesias commissas sibi Ecclesiæ velut sorores & comprovinciales haberi, sive in ordinationibus peragendis, sive pro judiciis causarum ecclesiasticarum, sicut antiqua demonstrat consuetudo.

X. Sub secunda Regum nostrorum dynastia, vetus consuetudo valuit, nempe ut Metropolitanus ab Episcopis comprovincialibus ordinarentur. Hunc seculi sui usum fuisse docet Hincmarus; qui præterea probat Galliarum Metropolitanis jus illud competitivis secundum canones Nicænos, Antiochenos, & Africanos, & ob id ipsum Priores esse. Nam duo Primatum genera agnoscit; quorum quidam iidem sunt cum Patriarchis, alij vero, Metropolitanus. quod discrimen haesit ex versione Concilij Chalcedonensis à Dionysio Exiguo confecta, & ex canonibus item Africanis. De Primatis autem secundi generis sic loquitur Hincmarus: *Sed & quidam Archiepiscopi vel Metropolitanus primates provinciarum multoties in sacris canonibus inveniuntur, illi videlicet qui in loco defunctorum ab Episcopis uniuscujusque provincie sine interrogatione alterius Primitatis prevalent ordinari, & ex antique consuetudinis*

lege à sede apostolica Pally solent genio insigniri, & in loco decedentium Episcoporum, sine consensus vel licentia Primiatis alterius, in sua provincia quique possunt Episcopos ordinare. Hanc loquendi formam, id est, Pally genium, mutuatus est Hincmarus ex epistolis sancti Gregorii: qui de Siagro Augustodunensi Episcopo loquens, ait ipsum petuisse Pallium, pro genio & honore sue Ecclesie.

Gregor. lib. 7. ep.
131. Vide etiam
epistolam Synodi
Can. Concilij Dis-
plicac. i. ad Hadria-
num 11.

XI. Ætate Iovonis Carnotensis, Hugo Lugdunensis Archiepiscopus sibi, tanquam Primiatis, deberi professionem obedientiae contendebat ab electo Senonensi antè quam consecraretur; suumque hoc consilium fulcire nitebatur auctoritate sedis apostolicæ, qua fungebatur. Rescripsit Ivo consecrationem Metropolitanus Senonensis pertinere ad Episcopos comprovinciales, neque expedientum esse ut electus faciat prius professionem canonicas Primiatis Lugdunensi, cum id canonibus sit contrarium. Deinde addit: *Cum ergo tam ista quam alia generalia insti-
tuta tam absolute consecrationem Metropolitanorum
contineant, miramur cur privatis legibus
& novis traditionibus veteres traditiones & con-
suetudines removere contenditis, precipiendo ut
Senonensis electus ante consecrationem suam vo-
bis presentetur, & jure primatus vestri subje-
ctionem & obedientiam profiteatur. Tum at se
nihil prorsus heic remissurum esse ex jure Ec-
clesiarum suæ provinciæ; & si contra tene-
derit Hugo, comminatur se ab ejus commu-
nione discessurum: De tantillo jure quod habent
Ecclæstæ nostra nec volumus nec debemus cedere.* Ivo ep. 60;

*Infrā: Si autem petitionibus nostris non adquie-
veritis, & aliquod schisma inde fuerit exortum;
secūre dicam, neque iniurias meas, neque pecca-
tum meum; neque vos poteritis dicere vobis non
fuisse predictum.*

Ordinationem porrò Archiepiscopi comprovincialibus Episcopis conservaverunt libri Decretalium, ut videre est in responsis Lucij III. in cap. *Si Archiepiscopus*. De tem-
pore ordinandorum.

A D D I T I O

S T E P H A N I B A L U Z I I .

A TTAMEN immutato paulo post hoc jure, Archiepiscoporum consecratio paulatim adempta est Episcopis comprovincialibus, & Summo Pontifici servata; ut omnibus est notissimum. Sed tamen prætermitti non debet insignis locus viri illa ætate celeberrimi, Gulielmi de Montelauduno Iuris Canonicæ Professoris in Academia Tolosana, qui vivebat anno millesimo trecentesimo quadragesimo sexto. Is ergo in libro sacramentali, *Rubrica de ordine episcopali* Tit. x. sic ait: *Quis consecrat Episcopum? Dic quod Archiepiscopus cum suis suffraganeis de re. or. nec*

A a iij

Episcopi. Sed quis Archiepiscopum, vel superiores? Dic quod de jure communi omnes Episcopi debent consenire, & tres illorum consecrare, *sapra cod. tit.* Si Archiepiscopus. 63. dist. per ambitionem. Papa tamen jam prescrivit contrarium, cuius auctoritate tantum hodie consecrantur, ut 24. q. 2. pudenda. & 51. dist. cap. fin. Liber ille sacramentalis Gulielmi de Montelauduno extat MS. in Bibliotheca Ecclesiae Hellenensis, unde locum hunc à me describi Marca jussit anno M D C L X, quin apud Ruscinoes degret pro signis regnum limitibus in Pyrenæo. Eiusdem libri duo manucripta exemplaria extant in Bibliotheca monasterii Rivipullensis apud Catalanoes, aliud in archivo Ecclesiae Narbonensis, itemque aliud in Bibliotheca Regis Christianissimi. Ceterum Gulielmi hujus lucubrationes frequenter laudant Richardus Archiepiscopus Armachanus in Tractatu MS. *De audiencia confessionum*, itemque Franciscanus quidam qui ea temestate adversus huncce Richardi Tractatum scripsit, Bernardus Lauretus Praefes Tolofanus in Tractatu de potestate seculari in Ecclesiasticos, Arnulphus Ruzenus in Tractatu juris Regaliz, Philippus Probus in Tractatu item juris Regaliz, Glossator libri Sexti Decretalium, alioque. Quoniam verò nullus haec tenus, quod sciām, ejus viri opera recensuit, utrāq; occasione ut ea promam quā mihi comperta sunt. Scriptis itaque Gulielmus de Montelauduno, præter librum Sacramentalem, Lecturam in Librum Sextum Decretalium, quam laudant Ruzenus & Probus; ad quam Apostillas seu Additio-nes scripsit Blasius Aurioli Doctor Tolofanus. Scriptis præterea Apparatum Constitutionum Clementis V. qui frequenter item laudatur a Ruzeno & Aufriero in Repetitionibus ad Clement. Hujus autem Apparatus tria manucripta exemplaria extant in Bibliotheca monasterij sancti Sergii Andegavensis, itemque aliud in Bibliotheca monasterij sancti Albini Andegavensis. In eodem codice sancti Albini extat Apparatus ejusdem Gulielmi super Extravagantes Domini Iohannis Papa XIIII. qui laudatur etiam a Ruzeno & Probo. Scriptis etiam Gulielmus iste Tractatum de Cardinalibus, qui laudatur ab Egidio le Maistre in Tractatu de Regalibus cap. v. Quædam porro ejus Lecturæ in aliquot juris Canonici posterioris capita editæ sunt in voluminibus Repetitionum Iuris Canonici.

C A P V T V.

Synopsis.

I. Queritur an Metropolitanus qui Summi Pontificis auctoritate consecrati non erant, ejus confirmationem obtinere tenerentur post consecrationem. Quæstio hoc proposita est à Glossatore Decreti; cui heret aqua. Episcopi specialis Diocesis Ecclesia Romana confirmabantur a Summo Pontifice. Diversum prorsus obtinebat quoad alios.

II. Objicitur Patriarchas antiquitus ea necessitate obstricatos fuisse ut tenerentur ad obtinendam confirmationem suam a Summo Pontifice. Posteriori jure id observandum esse quoad Metropolitanos.

III. Opponitur deinde exemplum Ecclesie Thessalonicensis, ad cuius Episcopum relationem de ordinatione sua mittere tenebantur Metropolitanus Illyrici orientalis. Hoc ex profectum, quod Episcopus Thessalonicensis ius patriarchicum obtineret in Illyrico.

IV. Tum adducitur exemplum Episcoporum Gallicanorum, qui Hincmaris Remensis ordinationem confirmari petunt à Sergio. Sed id trahi non potest in consequentiam, cum ob gravem causam ita fieri oportuerit, ad infringendos nimirum conatus Eboronis.

I. **H**ec sece offert quæstio magni momenti, habita ratione argumentorum quæ inde deduci possunt; nimirum, an Metropolitani qui neque à Summo Pontifice neque ex mandato ejus consecrati erant, ejus confirmationem obtinere tenerentur post consecrationem. Difficultatem hanc proponit Glossa in cap. *Quia igitur* dist. 63. Verum cùm decisio hujus quæstionis molestum haberet auctorem hujus Glossæ, eō confugit, ut diceret plures esse Archiepiscopos qui à Summo Pontifice non confirmantur, sed tantum recipiunt Pallium. Eruditus quidem & vera est hæc opinio: attamea explicatione indiget, & testimonii scriptorum quibus fulciri possit. Episcopi namque specialis Diocesis Ecclesia Romana distinguendi sunt à reliquis Episcopis Occidentis, qui ad eam Diocesim non pertinebant. Illi a Summo Pontifice confirmabantur, cujus consensus accedebat ante vel post consecrationem. At ceteri neque ab eo confirmabantur, neque consecrabantur; fruebanturque privilegiis quæ Nicæna synodus decrevit Metropolitanis esse servanda, & ea libertate quam eis Ephesinum Concilium precipit conservari.

II. Ac mihi quidem in hanc quæstionem accuratè inquirenti visum est tria potissimum adversus hanc regulam posse opponi; mæisque esse partes duxi ut palam promerem quæ mihi in mentem circa hæc venerunt, quibus difficultates illas complanari posse existimo. Primum ergo dici potest (id quod illustrissimus Cardinalis Baronius, iisque qui de fidei controversiis tractant, persuadere conantur) Patriarchas antiquitus ea necessitate obstricatos fuisse ut tenerentur ad obtinendam confirmationem suam a Summo Pontifice. Quod se probare existant auctoritate Leonis I. qui rogante Theodosio Imperatore confirmavit electionem Anatolij Constantinopolitanus. Adducunt etiam auctoritatem Papæ Simplicij, qui confirmationem Patriarchæ Alexandrini recusavit, & alia his similia argumenta. Cùm itaque eorum erga Patriarchas uteretur Episcopus Romanus, dubitari non potest quin potiore jure Metropolitanus teneantur ad obtinendam ejus confirmationem.

Quod ad Patriarchas attinet; responderi potest confirmationem illam non esse signum jurisdictionis, sed tantum susceptionis in communionem, & testimonium quo con-